

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 6 Gorffennaf 2016

Amser y cyfarfod: 13.00

## 12(v3)

---

### 1 Dadl ar Araith y Frenhines

(120 munud)

NDM6060 [Elin Jones \(Ceredigion\)](#)

Mae Cynulliad Cenedlaethol Cymru:

Yn nodi cynnwys rhaglen ddeddfwriaethol Llywodraeth y DU 2016/2017.

*Rhaglen ddeddfwriaethol Llywodraeth y DU (ar gael yn Saesneg yn unig):*

<https://www.gov.uk/government/topical-events/queens-speech-2016>

Dogfennau ategol:

[Briff Ymchwil: Araith y Frenhines](#)

[Datganiad Ysgrifenedig yr Ysgrifennydd Gwladol](#)

[Gwybodaeth am y Biliau Seneddol yn Araith y Frenhines a ddarparwyd gan Swyddfa Cymru, Gorffennaf 2016](#)

Cyflwynwyd y gwelliannau a ganlyn:

Gwelliant 1 – [Simon Thomas \(Canolbarth a Gorllewin Cymru\)](#)

Ychwanegu pwynt newydd ar ddiwedd y cynnig:

Yn gresynu at y ffaith nad yw Bil Cymru arfaethedig Llywodraeth y DU yn mynd mor bell â chynnig pwerau tebyg i'r rhai sydd ar gael i'r Alban, neu sy'n cael eu cynnig i'r Alban.



## **Gwelliant 2 – [Simon Thomas \(Canolbarth a Gorllewin Cymru\)](#)**

Ychwanegu pwynt newydd ar ddiwedd y cynnig:

Yn nodi'r Briff Ymchwil: 'Cymru a'r UE: Beth mae'r bleidlais i adael yr UE yn ei olygu i Gymru?' ac yn credu y dylid gwneud darpariaethau, ar ôl i'r DU adael yr UE, i sicrhau bod pob deddfwriaeth sy'n rhoi effaith i Gyfarwyddiadau a Rheoliadau'r UE yn ymwneud â meysydd fel diogelu'r amgylchedd, hawliau gweithwyr, diogelwch bwyd ac amaeth yn cael eu cadw yng nghyfraith Cymru a'r DU oni bai y cânt eu dirymu gan y Senedd berthnasol.

['Cymru a'r UE: Beth mae'r bleidlais i adael yr UE yn ei olygu i Gymru?' \(Mehefin 2016\) – Cynulliad Cenedlaethol Cymru: Y Gwasanaeth Ymchwil, y Gwasanaeth Cyfreithiol a Swyddfa'r UE](#)

### **2 Cwestiynau i Ysgrifennydd y Cabinet dros Addysg**

(45 munud)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i Ysgrifennydd y Cabinet ar ôl cwestiwn 2.

[Gweld y Cwestiynau](#)

### **3 Cwestiynau i'r Cwnsler Cyffredinol**

(15 munud)

[Gweld y Cwestiynau](#)

### **4 Dadl Plaid Annibyniaeth y Deyrnas Unedig**

(60 munud)

**NDM6058**

[Neil Hamilton \(Canolbarth a Gorllewin Cymru\)](#)

[Caroline Jones \(Gorllewin De Cymru\)](#)

Cynnig bod Cynulliad Cenedlaethol Cymru:

Yn credu bod gan gwmni dur Tata ym Mhort Talbot well gobaith o oroesi yn dilyn Brexit.

Cyflwynwyd y gwelliannau a ganlyn:

## Gwelliant 1 – [Simon Thomas \(Canolbarth a Gorllewin Cymru\)](#)

Dileu popeth a rhoi yn ei le:

Yn nodi pa mor bwysig ydyw i Tata UK gael mynediad i'r Farchnad Sengl.

*Os derbynnir gwelliant 1, bydd gwelliannau 2 a 3 yn methu.*

## Gwelliant 2 – [Paul Davies \(Preseli Sir Benfro\)](#)

Dileu popeth a rhoi yn ei le:

1. Yn cydnabod rôl hanfodol y gweithfeydd dur ym Mhort Talbot, Llanwern, Shotton a Throstre i economi Cymru a'r holl Deyrnas Unedig.
2. Yn cydnabod gwaith Llywodraeth Cymru a Llywodraeth y DU tuag at gynorthwyo TATA i ganfod prynwr credadwy i waith dur Port Talbot.
3. Yn annog Llywodraeth Cymru a Llywodraeth y DU i gydweithio i lunio strategaeth i sicrhau hyfywedd a photensial hirdymor y diwydiant dur yng Nghymru.
4. Yn annog Llywodraeth y DU a Llywodraeth Cymru i gydweithio â gwledydd eraill yn Ewrop ac ar draws y byd i sicrhau cytundebau masnach sydd o fantais i ddiwydiant dur Cymru.

*Os derbynnir gwelliant 2, bydd gwelliant 3 yn methu.*

## Gwelliant 3 – [Jane Hutt \(Bro Morgannwg\)](#)

Dileu popeth ar ôl 'credu' a rhoi yn ei le:

'ei bod yn bwysicach nag erioed, yn dilyn canlyniad Refferendwm yr UE, bod Llywodraeth y DU yn gweithio gyda Llywodraeth Cymru i sicrhau dyfodol cynaliadwy i'r diwydiant gwneud dur yng Nghymru.'

## Gwelliant 4 – [Simon Thomas \(Canolbarth a Gorllewin Cymru\)](#)

Ychwanegu pwynt newydd ar ddiwedd y cynnig:

Yn parhau i bwysu ar Lywodraeth Cymru a Llywodraeth y DU i ganfod ffyrdd o gefnogi holl ddiwydiant dur Cymru.

#### **Gwelliant 5 – [Simon Thomas \(Canolbarth a Gorllewin Cymru\)](#)**

Ychwanegu pwynt newydd ar ddiwedd y cynnig:

Yn galw ar Lywodraeth Cymru i ddefnyddio arian presennol yr UE i hyrwyddo cynigion Plaid Cymru, yn benodol Cronfa Fuddsoddi Strategol Ewrop fel y gall y gwaith ynni adnewyddadwy newydd gael ei adeiladu ar safle TATA ym Mhort Talbot i fynd i'r afael â'r mater o gostau ynni uchel, a Horizon 2020, fel y gall canolfan ymchwil a datblygu dur gael ei sefydlu ar Gampws Arloesi Prifysgol Abertawe i wella cyfleoedd busnes TATA UK.

#### **Gwelliant 6 – [Simon Thomas \(Canolbarth a Gorllewin Cymru\)](#)**

Ychwanegu pwynt newydd ar ddiwedd y cynnig:

Yn galw ar Lywodraeth Cymru a Llywodraeth y DU i ddarparu cyllid ychwanegol i olynydd Tata os oes angen hyn o ganlyniad i'r ansicrwydd sy'n gysylltiedig ag ymadawiad y DU â'r Undeb Ewropeaidd.

#### **Gwelliant 7 – [Simon Thomas \(Canolbarth a Gorllewin Cymru\)](#)**

Ychwanegu pwynt newydd ar ddiwedd y cynnig:

Yn gresynu at benderfyniad UKIP i bleidleisio yn erbyn cynigion Moderneiddio'r Comisiwn Ewropeaidd yn Senedd Ewrop – mesurau a fyddai wedi arwain at gostau llawer uwch yn cael eu codi ar ddur o Tsieina sy'n cael ei lwytho ar farchnadoedd Ewrop.

## **5 Cyfnod pleidleisio**

## **6 Dadl Fer – WEDI EI OHIRIO TAN 13 GORFFENNAF**

(0 munud)

### **NDM6059 [Bethan Jenkins \(Gorllewin De Cymru\)](#)**

Mae angen ein hundebau arnom fwy nag erioed

Edrych ar waith yr undebau yng Nghymru o ran mynd i'r afael â llymder ac annog mwy o aelodaeth a chefnogaeth i undebau.

Cynhelir Cyfarfod Llawn nesaf y Cynulliad am 13.30, Dydd Mawrth, 12 Gorffennaf 2016